



25.03.09

"Arraa, soormi" – paskemi illarnartut

Nunatsinni tissisaarillaqqinnerpaat Piitanguaq Alaufesen aamma Valerius Nielsen Taseralimmi paskikkunni illarnartunik aliikkusersuiniarput.

Taseralimmut qassimiuvaariartartut amerlasuut eqqaamassavaat Taseralik atoqqaartinneqarmat kingornatigullu Piitanguaq Alaufesenip aliikkusersuisaqaattaarneri nuannarineqaqisut, inersuarlu ulikkaartaqattaaginnartarlugu.

Aliikkusersuillaqqissuaq taanna Piitanguaq Alaufesen Taseralimmi aliikkusersueqqinnialerpoq, tamatumuunakkut qangaanerusoq aliikkusersueqatigisarsimasani Valerius Nielsen peqatigalugu.

Qulequtserlugu "Arraa soormi – paskikkunni illarnartut" Piitanguaq Valeriusilu aliikkusersuissapput sisamangornermi illernartumi 9. april, ulloq taanna pingasoriassallutik.

Meeqqanut qulequtserlugu "kammaaqaakkut" aallarniutigissavaat nalunaaqutaq marlunut, minutsinik 45-nik sivissuseqartussaq. Malitsinnarlugulu nalunaaqutaq sisamanut aamma unnukkut arfineq pingasunut inersimasunut aliikkusersuisoqassaaq qulequtserlugu "arraa soormi", tamarmik immikkut nalunaaquttap akinnerisa aappaat qeqqanik sivissuseqartussat.

Aliikkusersuuteeqqat assigiinngitsut pisoqqat nutaanik poorlugit allallu nutaarluinnaat tissinartut takutinneqassapput, qularutissaanngitsumik illarnartunik nuannarisalinnut annuffiunaviangitsut.

Paskimi illarnartut aliikkusersuisussat nammineq Taseralik suleqatigalugu aqqissuussaraat. Isissutissat pisiarineqarsinnaalereerput Taseralimmi.

Meeqqanut akia 50,- kr. Inersumasunut 80,- kr.

Paasisaqarnerorusukkuut aqqissuusinerlut pisortaq Arnajaraq Støvlbæk attavigisinnaavat
Tlf. 86 28 02 /48 28 02, e-mail: as@taseralik.gl

Nuannisarluarisi

Taseralik info